

## DÊPÄ TÎ PÖPÖKÖDÖRÖ TÎ NDIÄ TÎ BATA NENGÖ TERÊ TÎ ZO

### TAKAPA

Na hïngängö bïanî atene nengö terê tî zo na lingbingö terê tî ângangü tî lo laâ sî ayeke na gündâ tî zarä , tî nzönî ngbanga na tî sirîrî na ndö tî dünîa,

Na hïngängö nî pëpëe na këngö ândiä tî bata nengö terê tî zo laâ adü kpälë tî birä sô abi ngonzo na bê tî âhalëzo, ngâ sî gängö tî mbênî finî ködörö sô âhalëzo kûe alïngbi tî tene tënë tî bê tî âla, tî mähê tî âla afa nî tôngana taâ kötâ békü tî âzo tî ndö tî gïgî,

Ayeke kötâ yê mingi tî tene azi lê na ndö tî ândiä tî bata nengö terê tî zo gï na lëngö mbênî gerê tî ndiä ndâli tî sïönî sëgbïä na lëngö pâsi,

Na hïngängö nî atene ayeke kötâ yê mingi tî mü ngangü na mäïngö tî lëngö söngö na pöpö tî ködörö ndê ndê,

Na hïngängö nî atene na yâ tî sëndiä halëzo tî bendo tî gïgî afa tî finî nî mähê tî âla na âtaâ ndiä tî zo , na nengö terê ngâ na kötâ tî zo na lingbingö terê tî ângangü tî kôli na wâlî, sî âla atene âni yeke sâra ngangü kûe tî mäïngö tî sêdutî tî zo na lëngö ânzönî lëgë tî dutî na yâ tî mbênî kötâ zarä ,

Na hïngängö nî atene âködörö sô abûngbi amû yângâ tî lê kpëngö ndiä tî bata nengö terê tî zo na zarä tî lo na yâ tî kua tî mabôko na mabôko na bûngbi tî bendo tî gïgî,

Na hïngängö atene mângbingö bê na ândiä sô na âzarä sô ngâ ayeke bïanî ngangü yê mingi tî sâra kua sô gï na pekö tî yângâ sô âla mü,

### Kötâ Lingö

### Avûnga

Dêpä tî pöpöködörö tî bätängö nengö terê tî zo sô

tôngana kunibê sô halëzo na âködörö kûe alïngbi tî wara, sî âzo kûe ngâ na âkûndû tî bôso kûe asâra ngangü, na lëgë tî fängö mbëtî na fängö-ndo, tî lê kpëngö ândiä na âzarä sô ngâ tî sâra na kodë tî ândiä tî ködörö wala tî pöpöködörö tî tene ayêka nî ngâ sî alë tambûla nî na ndo kûe, na pöpö tî halëzo na letäa nî sô alü mbere nî, tôngana âla sô anghâ na gbe tî lê tî âla.

### Sura 1

Adü âzo kûe yamba, ngâ âla lingbi terê na lëgë tî nengö-terê na tî ângangü. Ala kûe awara ndarä na bôrö-li sî âla lingbi tî dutî na âmbâ tî âla gï na lëngö söngö.

### Sura 2

Zo ôko ôko alïngbi tî pîka kate na ndö tî ângangü sô dêpä avûnga, na särängö kângbi ôko pëpë wala na ndö tî tenë tî marä, wala tî nzorôko tî terê wala tî ndiä wala tî kôli na wâlî tî yângâ ködörö wala tî mosoro, tî ndo tî düngö wala tî marä dutî,

Na ndönî kûe, alïngbi tî sâra mbênî kângbi ôko pëpë sô alöndö na ndö tî tënë tî porosö wala tî ndiä wala tî pöpöködörö, tî mbênî zo wala tî mbênî ködörö nî sô alïngbi tî dutî lipandä wala na gbe lê tî mbênî ködörö wala sô ayeke na kpälë tî sëgbïä.

### Sura 3

Zo kûe ayeke na ngangü tî dutî na finî tî lo, tî dutî yamba na tî dutî na mbeto tî wara sïönî pëpëe.

### Sura 4

Zo ôko alïngbi tî dutî na gbe tî ngbâa pëpëe. Akânga lëgë bïanî na dutî tî ngbâa ngâ na dengö buzë tî kängö zo na ngbâa.

### Sura 5

Zo ôko alïngbi tî sâra mbâ tî lo na pâsi tî ponön wala na pâsi tî finön pëpëe.

### Sura 6

Zo kûe ayeke na ngangü tî tene ndiä abata lo na âsïönî lâkûe na ndo kûe.

### Sura 7

Azo kûe alïngbi terê na lê tî ndiä, ngâ âla yeke na ngangü lëgë ôko na särängö kângbi ôko pëpëe. Amû na âla ngangü na sêbätängö terê lëgë ôko, na tënë tî kângbi tî marä sô alïngbi tî fïngi dêpä sô ngâ na tënë tî gïngö lëgë tî kângbi tî marä sô.

## Sura 8

Zo kûê alîngbi tî lî ngbanga na âdangbanga tî ködörö tî lo tòngana âzo akpê pèpèe ângangü sô sêndiä tî ködörö tî lo amû na lo.

## Sura 9

Alîngbi ôko pèpèe tî gbû zo na kânga wala tî bata lo na kânga wala tî tokua zo yongôro na ködörö tî lo gî sêngê sêngê, tòngana ndâ nî ayeke da pèpèe.

## Sura 10

Zo kûê ayeke na ngangü, lègê ôko na âmbâ tî lo, tî tene amâ polêlê tènê tî yângâ tî lo na lê tî boro ngbanga sô fadê afa ânde wala ângangü wala âkuandiä tî lo wala tòngana pängö îrî na tènê sô alî ngbanga da na ndô tî lo sô ayeke mbîrîmbîrî.

## Sura 11

Zo kûê sô apâ îrî tî lo na ndô tî mbênî kpälê angbâ mokondö asî na ngôî sô afa na lègê tî ndiä atene lo sâra siônî, na lê tî mbênî ngbanga tî polêlê sô âwakokö kûê adu da na pekö tî lo.

Alîngbi pèpèe tî kânga zo ndâlî tî âyê sô lo sâra wala tî bégirisa sô, na ngôî sô asî sô, ndiä tî ködörö wala ndiä tî pöpöködörö afa nî tòngana kpälê pèpèe. Lègê ôko, alîngbi tî dîko pèpèe mbênî ponön sô akono ahön ndô tî lo sô ayeke dè ka nî na ngôî sô zo asâra kpälê sô.

## Sura 12

Alîngbi ôko pèpèe tî yôro terê na mbänä na yâ tî sêdutî tî zo wala tî sêwa tî lo wala tî da tî lo wala tî dîko mbêtîsû tî lo. Alîngbi pèpèe tî buba îrî tî zo ngâ na wüngö tî îrî tî lo. Zo kûê ayeke na ngangü tî tene ndiä abata lo ngbanga tî âmarä kpälê tòngasö.

## Sura 13

Zo kûê ayeke na ngangü tî fonon yamba na yâ tî ködörösêse kûê. Lo yeke ngâ na ngangü tî soro ndo tî dutî tî lo na yâ tî mbênî ködörösêse.

Zo kûê ayeke na ngangü tî sigî na yâ tî ködörösêse kûê atâ adu ködörö tî lo, ngâ tî kîri na ködörö nî tòngana sô bê tî lo ayê.

## Sura 14

Na yâ tî ponön tî hongana-ndo, amû lègê na zo kuê tî gi ndo tî dutî da ngâ lo lîngbi tî wara nî na ködörö wandê.

Alîngbi pèpèe tî mû ngangü sô na wakpälê tî fängö zo wala na zo tî sârängö âyê sô ague pèpèe na lègê tî âpo na âkunibê tî bûngbi tî bêndo tî gîgî.

## Sura 15

Amû ngangü na zo kûê tî tene lo du zo tî mbênî ködörösêse.

Alîngbi pèpèe tî gbânzi mbêni zo na mbänä tî du waködörösêse ngâ na ngangü tî gbîan ködörösêse tî lo.

## Sura 16

Asî na ngôî sô âla lîngbi tî mû terê, amû ngangü na kôlî na wâlî tî mû terê tòngana kôlî na wâlî, sî âla lê sewä sêngê, tènê tî marä wala tî ködörösêse wala tî mabê alîngbi tî kânga lègê nî pèpèe. Na mbâgê tî müngö terê, amû ngangü, lègê ôko na kôlî na wâlî na yâ tî dutîngö tî âla ngâ na kängbîngö tî âla.

Kôlî na wâlî alîngbi tî mû terê gî tòngana bê tî âla ûse kûê ayê tènê nî bianî.

Sêwä ayeke na gündâ tî halêzo. Ni laâ, amû ngangü na letäa ngâ na âzo kûê tî tene âla bata nî ngangü.

## Sura 17

Zo kûê wala lo dutî na bôsôngbi wala lo dutî lo ôko ayeke na ngangü tî wara âkûngbâ tî lo mvenî.

Alîngbi pèpèe tî mû âkûngbâ tî mbênî zo na ngangü na mabôko tî lo.

## Sura 18

Amû na zo kûê zarä tî bibê, tî boro-li na tî mabê ; ngangü sô afa atene zo kûê ayeke na zarä tî gbîan mabê tî lo, wala bibê tî lo ngâ na zarä tî fa polêlê mabê tî lo, lo ôko wala na yâ tî mbênî bûngbi, polêlê wala koiko, na lègê tî fängö mbêtî, tî sârängö yê, tî vöröngö nzapâ ngâ na sârängö ângôbo.

## Sura 19

Amû na zo kûê ngangü tî zarä tî bibê na tî särängö tënë. Sô atene alîngbi tî doroko zo pëpëe ndâli tî âbibê tî lo. Amû ngâ na zo kûê ngangü tî gi, tî wara na tî vûnga âsango na âkodê na âmarä lëgê kûê, na zïängö bê pëpëe na ndö tî tënë tî âmekä.

#### Sura 20

Amû na zo kûê ngangü tî zarä tî gbê lingö, tî lî na yâ tî bôsôngbi tî sirîrî.

Alîngbi pëpëe tî gbû zo na ngangü tî lî na yâ tî mbênî bôsôngbi.

#### Sura 21

Amû na zo kûê ngangü tî sâra kua tî lëngö ködörö tî lo, wala lo mvenî wala na lëgê tî âwasêlê sô asoro âla yamba.

Amû na zo kûê ngangü tî wara kua na yâ tî ndokua tî letäa, lëgê ôko na âmbâ tî lo.

Kunibê tî halëzo ayeke na gündâ tî ngangü tî awalëngö ködörö. Kunibê sô alîngbi tî fa gi na lëgê tî aboro soro sô ayeke bâa gîgî ngöi na ngöi, na lêge tî gbegö mobimba ngâ na köbö soro wala na mbênî ngöbo sô amû ngangü tî zarä tî soro.

#### Sura 22

Zo kûê tôngana wabôso tî halëzo ayeke na ngangü na kodëkua tî bätängö terê. Alöndö na âbängö nzönî na pekô tî ângangü tî mosoro, tî zängbingörö terê, tî ndara sô ayeke kötâ yê ndâli tî nëngö terê na boro mäingö tî sêterê tî lo; gi na lëgê tî gbüngö mbîrîmbîri kua tî ködörö ngâ na tî tängbingö kua na âködörö wandê sô abâa dôngôngbi na môsôrô tî ködörö ôko ôko.

#### Sura 23

Amû na zo kûê ngangü tî sâra kua, na zarä tî söröngö kua tî bê tî lo, na yâ tî boro ngâ na nzönî gerê tî kua. Alîngbi ngâ tî bata zo ngbanga tî tënë tî ponön tî särängö kua pëpëe.

Zo kûê alîngbi tî wara boro nginza tî kua sô alîngbi na kua sô lo sâra

Zo sô asâra kua alîngbi tî wara boro nginza tî kua sô alîngbi tî tene lo na âsëwä tî lo adutî na yâ tî nëngö terê. Na ndönî kûê, amû na lo anzîna ngangü tî sêbätängö terê.

Zo kûê awara ngangü tî kîi na âmbâ tî lo âbûngbi tî âwakua, ngâ tî lî bûngbi na âmbênî âbûngbi tî âwakua ngbanga tî gbüngö kokö tî âla.

#### Sura 24

Amû na zo kûê ngangü tî woterê tî lo, tî sâra ngîa ngâ. Sô atene alîngbi tî dë gi na lëgê nî lăngö kâpâ tî kua ngâ na âlăngö tî wöngö terê sô afûta nî.

#### Sura 25

Zo kûê alîngbi tî wara nginza sô alîngbi na lo sî lo lë sênî tî lo, nzönî dutî tî lo ngâ na tî sewä tî lo bianî na lëgê tî têngö kôbe, yüngö bongö, mûngö yoro ngâ na zängbingö terê. Amû na lo ngangü tî bâa nzönî na lëgê tî zängbingö terê na ngöi sô lo du na kua pëpëe, wala na ngöi tî söngö terê wala ngbanga tî zën, wala ngbanga tî ndü, tî kanga wala na yâ tî âmbênî ngöi sô zo nî ayeke na mbênî lëgê tî bätängö na finî tî lo pëpëe, na pekô tî âmbênî siökpälê sô asî na lo.

Awâli tî ngo na âmolengê tî âla alîngbi tî wara taâ nzönî na kua tî zängbingö ndo. Amôlengê kûê, wala adü âla na yâ tî mûngö terê wala adü âla da pëpëe ayeke na ngangü na nî lëgê ôko.

#### Sura 26

Amû na zo kûê ngangü tî mändängö mbetî. Ayeke fûta mändängö mbetî nî pëpëe, mbîrîmbîrî na âkêtê dambetî. Mändängö kodëyê na kodëkua alîngbi tî gbû ndo kûê. Zo kûê alîngbi tî manda mbetî na kötâ dambetî, gi na lëgê tî kodê tî lo na hîngängö ndo tî lo.

Fängö mbetî alîngbi tî gue na lëgê tî kono sêterê tî âzo ngâ tî kono ndiä tî bätängö nëngö terê tî âzo . Lo lingbi ngâ tî mû lëgê tî kpêngba mângö terê, vürüngö bê na söngö na pöpö tî âködörösêse tî âmarä wala âmabê ndê ndê ngâ na mäingö âkua tî bûngbi tî bëndö tî gîgî ngbanga tî bata sirîrî.

Awadüngö môlengê âmvenî alîngbi tî soro yamba kodê lëgê tî fängö hîngägö ndo na âmolengê tî âla.

#### Sura 27

Zo kûê ayeke na ngangü tî lë kua tî sëndâgâo tî âsöngö tî lo, tî tene lo wara âpendere yê tî ködörö tî lo na lo zîa mabôko na mäingö tî âsëndâyê ngâ na lo bâa nzönî na pekô nî.

Amû na zo ôko ôko ngangü tî sêbätängö ânzönî yê tî lo sô alîngbi tî dutî âkûngbâ wala âbibê ti lo-mvenî. Anzönî

yê sô alîngbi tî löndö na pekô tî âkodëkua, asêndâyê, âsêndâsû wala tî sêndägâo sô lo mvenî lo sâra.

#### Sura 28

Tî tene âzo akpë ângangü sô afa ge sô, ayeke nzônî mbênî dôngôngbi adu da sô alîngbi tî bata nî. Dôngôngbi sô alîngbi tî dutî na yâ tî ködörö nî tângana na yâ tî dúnîa mobimba.

#### Sura 29

Zo ayeke na âhonga na mbâgë tî bôso sô lo du da sî lo mâi da yamba . Nî laâ sî alîngbi tî mû na lo lëgë tî tene sêterê tî lo amâi nzônî biânî.

Ndiâ alîngbi tî lë ângangü tî bätängö nëngö terê tî zo . Lo lingbi ngâ tî mû lëgë na zo ôko ôko tî kpë âmbâ tî lo ngâ tî tene âmbâ tî lo akpë lo.

ângangü sô na âzarä sô alîngbi ôko pëpë tî fîngi âwêsêlô, âpö, na gbegôndiâ tî bûngbi tî bêndo tî gîgî mobimba.

#### Sura 30

Mbênî ködörösêse ôko pëpëe wala mbênî zo tî gîgî ôko alîngbi pëpëe tî buba lëgë tî ândiâ sô afa ge na yâ tî mbëtî-dêpâ sô.